



顧文康公詩集

桂雲堂



顧文康公詩草總目

卷之一

五言古

卷之二

七言古

卷之三

七言絕句

卷之四

五言律詩

顧文康公詩草目錄
卷之五

七言律詩

卷之六

排律

附詩餘

顧文康公詩草目錄

卷之一

五言古詩

和周白川夜合花長篇韻

送衍聖公歸闕里

正德壬申偕湛太史論時事

丙戌五月八日哭

孝宗皇帝

雪

日暮

紀夢期西樵相公得子

有引

送太宗伯劉公紫巖之任南都

偶過東濠徐君留共南濠都先生飲

送張秀卿太史督學湖廣

喜雨

大雨

題石樓卷和太白天台曉望韻

董節婦

爲顧與行秋官題龍山書屋

水村惠英石

送銅仁府推諸孫文郁之任

送馬州判承學之任蘄州

南渠詩爲王給事存約

有感

三首

感事

有引

薰風亭爲正夫作

題適菴爲周鵷太守

送劉戶部燁然督權潯墅還朝

二首

和朱侍御所和唐人詩韻

紀事

明妃詞 二首

送王甥任長垣

卷之二 七言古詩

文筆峰歌 附志未府君跋

虛山學士邀同甘泉賞院中荷花走筆和韻

有引

舟中感懷賦長短句

夜泊望太白樓有作

送徐太史林屋奉使浙南便歸省母

題梅谷 柳枝歌送王敏齋之任

詩示三子二孫能和者和來 附志未府君追和詩

恭和 聖製 山陵春祭歌 龍頭石歌

卷之三 七言絕句

恭和 聖製 魚入舟詩 二首

恭和 聖製 禘祭得祥詩

題夏仲昭竹

送孫侍御夔卿卽事四絕句

甲戌春日出城

乙亥春暮過酒家

對花

走馬燈

題夢梅卷爲王公甫和祝希哲韻

爲陳錦衣顏良題畫菊 二首

和張羅峰閣中對菊

乙未春二月家山移來紅

期看梅花不果 二首

徐子容殿讀分惠南來銀杏

玉山小閣孤坐 二首

絕句 二首

風月 三首

贈相士陳綬書扇頭

春郊贈別詩 十首有引

苦雨喜霽

嘉靖己酉除夕別曆日

示子孫 二首

有感

偶成

喜雨

十飲詩并序

內附七言律一首

卷之四

五言律詩

中元日陪祭

長陵

景陵卽事

敬和

御製除夕詩

鄭員外繼之歸閩

和逍遙亭韻

醉後

除夕

雨

哭倪鞏昌獻夫同年

赴類菴趙司成城西賞花之約偕徐太史子

容聯騎欣然有作

至類菴莊芍藥成開坐久主人乃至二首

片月

贈施存拙

懋華藏寺

和壁間韻 二首

和唐人韻

和貞菴留別

卷之五 七言律詩

序菴閣老一品兩考適閣前荷花初開有詩

索和

邀吏曹諸公賞梨花松臯太宰賦詩爲謝和韻

禮部贊治堂成紀事

重陽日會餞衍聖公卽事

和王太史繩武晚集韻

偕友數輩弔龍洲墓

正月晦西山看梅值風雪或云梅花已盡賦

二律

正德新正九日從遯菴毋舅偕張二南太守

朱半山節推周可貞侍御并姪潛持酒訪

虞竹西藩叅遂登東禪毘盧閣遊賞盡日

醉歸賦此呈竹西

送吳白樓宗伯改南太宰兼宮保之任

東倉觀潮作

口占贈西洲樓前海棠

中元日恭侍

聖駕祭長陵景陵道中卽事

和文衡山韻

病起九日示子孫

東江院長嘉遺山石小詩奉謝

九日

水村尚書留賞芍藥賦此紀勝

承天門候駕敬述

二首

慶成宴用前韻

立春

元夜馬上卽事和盧師邵韻

元夕

奕棋和盧師邵韻

送周道士還吳

無題

冬日偕盧師邵周伯明二侍御登鏡光閣和

示師邵韻

戊戌試士有感

并序

雪後柴德美携酒過小樓有詩見示奉和

家童持吳中菱橘酥糕至分遺子淵淵用前

韻各賦一律爲謝奉答

乞藕實用韻將贈

偶成

水緯羅

郊齋道院陪坊院諸公燕坐

經筵獨受簡命進講洪範自秋徂冬四閱

月方畢無錫呂亨夫上舍有詩爲贈依和

一首

嘉靖癸巳元宵後二日啓蟄祈穀南郊紀興

二首

丙子紀夢得孫作

吳子升大理賞牡丹燈用韻

送倫省元歸娶

壽舅氏大參吳公

醉石

拙叟

過濟寧訪冬官童先生留酌盡歡酒半出新
筍風味殊絕已而見其子年甫弱冠文采

照人知爲偉器賦詩奉謝

今歲有事于

太廟恭捧

孝宗皇帝神主不勝悲感口占短律

次張亭溪學士祗壇陪祀韻

聚奎堂燕坐偶成 二首

樂觀賞牡丹

和松臯太宰

和玉溪少宰 二首

送郭司業介甫

葉使君尚原約遊天台九日感懷奉寄

和韻寄文徵仲

送廷尉林君有孚之任留都

戲呈白川少宰

虞山夜看七星檜

兗州道中示姪孫夢圭

萬梅菴

朝眠

山中見梅

二首

歲朝感筆

燈下詠花影

宿金山精舍和西涯閣老韻

題未齋

丙戌生朝示兒輩

送高掌科蒙谷先生奉使南行

送顧與成浙江叅政

壽白崇之母

歸金閣

相門限代題

兄子邦石孫夢圭會試禮部

有跋

履齋先生詩集目錄
跋王朋梅爲朱澤民寫水亭圖

有序

弔半隱王君感歎陳跡悵然有述

謝陸東川供茶惠酒

郊祀賜讌恭述

三首

無錫高尹速遊慧山

觀常熟社會

二首

聖製敬一亭成詩恭和一首

冬至

讀文文山傳和少陵韻

暮遊致道觀

己卯元旦試筆病後

茹荇有感

雪後訪溫托齋出假梅新酒卽席聯句

三首

今夕之會實以假梅起興剪裁逼真橫出雪

際詩狂酒困遂復以假爲真乎抑世事類

宜假也相對連引數酌浩然成章

附溫托齋作

卷之六

五言排律

正齋余先生國昌嘗以江梅贈西涯閣老西
涯以詩報之今年五月十三日國昌移竹
于他館見遺其情不淺鄙律豈足爲報也
而効顰如此不覺失笑

悅履奉大宮保東瀛先生侑之以詩
爲韓秀夫太守壽乃翁司徒八十 有序

附詩餘

顧文康公詩草卷之一

東吳顧鼎臣九和著

五言古詩

和周白川夜合花長篇韻

婁江合歡樹自管憐其花京國品繁縟每向騷
人誇五月江鄉景悠悠思夢賒蠲忿古實云遺
材吾所嗟開合比靈葉駢蕃綴奇葩絲紅蔚蒙
茸柔綠交髮娑嫠婦眉易斂蠻童首未髻剪斷
辟兵繒紛緒色逾赧齊燒九華燈紫焰列橫斜

履文康公詩草 卷之一
翠盤火齊珠石床芙蓉砂當舞錦纏頭涵杯赫
流霞翻思禁署東一樹臨東華太液滋灌溉吐
水石蝦蟆丹羈金絡頭天閑白鼻騮猩血染旌
旄列陣耀龍沙相君承恩日緋袍映白麻摸擬
雖鵠鶩辨別猶龍蛇細檢古圖經前人豈云差
但令玉石分寧論瑜與瑕厥心伺知者學海無
津涯

送衍聖公歸闕里

癸巳之歲三月

天子視學先是驛書召公來相禮禮成而歸公
卿會餞于禮部即席分韻賦詩爲贈得
之字

驕陽鼓黃塵美人將安之餞別非世情把袂傷
臨岐南宮敞高燕羽觴紛交馳歌鐘間絲篴激
越流雲垂羣公總大雅椽筆灑新詞芳潤驅煩
熇密雨將輕颺行行彩鷁輕齊魯瞻光輝岱宗
起層雲甘澍浩無涯沄沄洙泗流萬類蒙華滋
睠維神明胄造物厚栽培振振麒麟趾皎皎珊

履文康公詩草 卷之一
瑚枝入門見美墻升堂聞金絲學詩與學禮奚
翅有餘師靜言感遭逢主聖邁軒羲敬一得心
傳斯文真在茲臨雍肅奠獻謙光被華夷君臣
坐一堂古道良可追講筵敷遺經聖情起深思
上公國之賓親接天爲卑金犀及文綺宣賜下
彤墀拜舞朝暎明百僚肅光儀何以酌主恩好
爵與爾縻淑慎祗有造繩繩本與支聖者萬世
澤揚休及明時

正德壬申偕湛太史論時事

西遊峨嵋山南躋祝融峰縱步羅浮巔冷然御
天風此志終不移容顏銷舊紅國士感知遇我
欲報曹公翹首望帝居北極五雲中中原寇盜
橫白骨滿蒿蓬伊誰整頽綱揮戈剪羣兇進退
何所據清淚洒春空

丙戌五月八日哭

孝宗皇帝

聖代撫昌運

高皇振天經 羣帝隆紹述百載治功成

憲宗二紀德休養阜羣生重光
孝宗烈于時極豐亨災沴斯間作吳楚旱澇仍
邊徼劇寇張黎師時震驚憂危啓聖哲宵旰滋
勵精遜學日孳孳大智乃炳明論道尊三公立
政倚九卿維時禹臯徒堂堂邦國楨君臣一體
間痿贅無由生晝接仰聖謨贊思日兢兢百工
熙帝載羣牧爲民正王風寢以廣泰階輝而平
小臣樛櫟材簡錄荷光榮拜舞重瞳回側身何
屏營矢心思答報決義極高冥供奉亡幾何龍
輿返太清每當哀籲時慟哭還吞聲天時儵已
改世途荆棘生

雪

雲低方一色雪意殊未了西叅屢起坐南樓肆
瞻眺玄思天匠精細察冰花小因風乍迴旋入
樹深窈窕荒唐梁園空綽約姑射藐鉄低橫簷
槐碧淺亞階篠又宣珍羞賜遙仰上方杳營巢
鵲且休沸市人應少宸居諸天隔紫閣羣玉表
盈盈下有態漠漠來無兆登高俯寰宇衣褐念

窮殍微臣衰齡迫綠鬢雪色皦帛煖體猶寒恩
重心逾悄對景思尊壘歸藏出清醪

日暮

塞鴻南去盡鄉信北來稀肺病時拈藥羈懷怯
授衣吾廬今重破人事日多非街巷鳴騶盛郊
原虜騎肥高材精倚角大路隱霆機章句它時
售林丘本願違友朋何太瘦童稚欲啼飢庭卉
含秋發昏鴉帶雨歸愁空思百轉日暮下孤幃
轉爾非羈馵無勞歌式微

嘉靖癸巳夏六月之庚寅坐暑雨頽然就
枕夢至異境侍西樵相公對奕二羽客
從旁觀公手數棊連下十餘着予隨手
應之既審局則公已勝矣四人哄然一
笑遂寤占之曰局之制方公姓也路十
九交互爲六百六十一期之日也手棊
得子也連下着多子之祥也其應期年
之內公當連誕奇子矣述以詩爲它日

張本云

昔聞一樵者曾觀二仙棊頃歷人間世斧柯爛
不知茲言類說夢物外容有時樵翁爛柯仙父
視南海湄偶乘風雲會出爲帝者師謀國借前
籌憂時鬢成絲黃扉弼諧暇化日薰風遲洛陽
看花伴潦倒覺吾衰玄夜困滄暑夢感境絕奇
侍翁與對奕勢分畧崇庠二客分左右竟莫知
爲誰沉思布算間翁乃得先機勝負兩俱忘推
枰一解頤覺從華胥歸鶴羽天風披精華遂爽
朗攝衣起占之維茲夜所夢豈是晝所思子祥

亦多端奚必熊與羆得子在指掌珠聯定無疑
孔釋親抱送並是麒麟兒述詩紀祥兆周歲以
爲期

送大宗伯劉公紫巖之任南都

漢文不世主賈生經世才君臣道不合忼慨將
何爲齊瑟嗟不售楚王終塵埃我皇應昌期龍
飛從代來虛懷切望道講幄自天開論思貳秩
宗袞職誰先陪啓沃數載間屢承帝顏回典禮
暫張弛留都鎮容臺煌煌山龍章有待宗工裁

伯夷自夙夜傳說終鹽梅文星麗南斗會見朝
三台明時乃喜起勛業敷九垓

偶過東濠徐君留共南濠都先生飲主人
命二童子藏闔勝負以觴客不覺大醉
援筆賦此時南濠已致仕將還吳中矣
明月邀未起花霧小庭空主人何情深移筵高
燭紅藏闔勸我酒楚楚雙玉童顧嗟樊籠內羨
彼冥飛鴻它年丹山外相攜遊太空

送張秀卿太史督學湖廣

朝辭燕山道暮宿楚水湄懷古見虞帝湛文弔
湘纍明主豈不念講幄注光儀重子靜且端雅
於造士宜造士貴適用安用虛辭爲長林多偉
材奚翊桷與榱官舟過門日黽勉奉嚴慈俯仰
祿養兼昕夕無戚咨氤氳芝蘭契久善麗澤滋
促膝苦不常寧忍遽別離賈傳何年召蒼生堪
涕洟梁鴻念吳門無多歌五噫

喜雨

炎風吹黃塵驕暘赫焮烘不雨越兩旬百物暑

曷中西山有無際黯慘日霾霽野夫病枯槁乃
復爲隱痛昨日坐竹床雲起忽雷動天東暈五
色童子指蟒竦須臾雨大至簷漏四喧哄南樓
急呼酒厨榼報罄空短罌搜舊藏蔬果薦杯匱
兩脚夜不絕餘喜接涼夢曉起日色淡林鳥有
新弄排闥山太爽歸雲白疑東高者埋峰尖下
者鎖巖洞遠近出奇絕纖悉畢獻送小園雜花
卉生意久抑空焦卷變柔綠先朝媚薨棟羣秀
橫發陳飢渴饜羞漣畦卒何暇豫澆沃免抱甕
我亦體輕快濡筆事吟諷吁嗟亭毒柄張翁孰
簸弄四海曠旱甚事體可悲慟誰作傳巖霖伊
呂空伯仲解愠揚舜風薄歛徵禹貢播敷天王
澤活此億萬衆

大雨

丁丑夏六月災變良有由不雨土膏竭焦卷遍
林丘一雨洽旬朔日夜乃不休七月日五六氣
候如高秋雨意轉蕩瀟勢欲漂燕幽街市橫潦
集淺深可方舟間閭半汨沒沾濡到衾裯寂寞

烟火滅縱橫盆盎浮煤薪且無購安辦米與麩
飢鄉沸妻孥蓬垢同繫囚牽抱蔽孩嬰驚顧慮
空周且恐頃刻活未暇來日謀亦有衣冠徒視
舍如傳郵墻屋浸欲頽性命如綴旒筭委溝
渠子女若鳧鷗此變未可輕廣濶被數州大都
尚若斯僻壤盡可籌哀我彼窮民衣食恃耕疇
黍稷方垂花稻菽苗正抽上者今淦泥下者爲
淵湫所存復幾何公私待誅求老弱力不克轉
歿罄與溝少壯去犁鋤行復事戈矛狂生抱隱

痛兀然坐南樓園墻忽蕩覆堂宇亦適憂寧辭
版築勞亦詒比隣瓦崩泮如迅雷遠近驚喧啾
扶傷及救歿哭聲動城陬腹疾怯涼冷虛窗風
蕭颼呼童索衣添熟斝慙垂頭酒冷不成醉鬱
結空吟謳枕簟有餘潤誰家富薰篝夜久事稍
寧轉側醒雙眸鷄犬寂不聞乃似聞休鷓蛙蠅
得意時鳴聲一何稠豪華屋如山淹飲坐列侯
宮燭輝長筵燕姬弄輕喉鴟絃雜雨鳴歡樂不
知愁五行土制水水勝土乃柔細民真蟣蝨反

顧文康公詩集 卷之一
九
而成虎彪往事足懲創省存勿淹留經國在遠
覽弭變期交修起坐念蒼生沈瀾涕難收願將
歸滄海上通天河流河邊有天孫明夕會牽牛
貴近乘嘉辰叩心冥所求肯以下界苦訴與上
帝否天聽或在茲蒼生其有瘳

爲都憲題石樓卷和太白天台曉望韵

石樓出塵氛萬象廓清越結構本天工照耀延
娥月仰攀攜閭闔俯視小溟渤蜀關劔閣險楚
甸雲夢沒至人乃神降變化何歛忽雄觀極遐
邇遍賞無消歇風霜肅襟度雨露浹肌膚未許
寄幽懷勛名紀天闕

董節婦

嘗見旌節婦非貴即富家高門樹櫛楔工巧競
豪奢豈惟貧寒婦持身乃疵瑕葭屋及編廬不
聞被袞嘉春花生庭階闌幕榮圍遮幽蘭空谷
間萎歿同蓬麻慈節若董嫗志行兩不汙念夫
日撫孤恩情渺無涯

爲顧與行秋官題龍山書屋

龍山歷五湖靈氣相軋塊代久喬木古春深紫
芝長美人卜幽居岩宇共蕭爽圖史列四壁學
海涉滉瀆城市相迫迨親知日來徃子姓縮簪
綬門闕耀穹壤帝恩服冠裾中劇烟霞想六十
筋骸健登覽未須杖欲識松檜齡玄學精內養
山花觸處紅此意誰能賞

水村見惠英石賦詩奉謝

有石太奇偉一見竦精鬼遙從具瞻地飛墮野
人宅韶鈞聲鏗鉤古劒色黯澤初謂玄圃裂或

因巨靈擘岡巒列體勢岩岫挹主客下疑滴空
翠上訝洩雲白一成自鴻濛萬里在咫尺危峰
削芙蓉氣與霄漢逼恍惚晻曖間衡華參几席
蠹簡共蕭爽蝸宇奈逼窄已具袍笏拜足慰烟
霞癖夢遊與神觀動靜各適適翻思奇章公磊
落甲乙藉坡翁怪石供瑣細餅餌易此石幸遭
遇因人重圭璧岩岩穹壤間仰止信無斃何以
報公貺願公壽如石豫介終勿疑良止光明赫
合收補天功百代昭史冊

送銅仁府推諸孫文郁之任

老景憐骨肉他鄉重離別念爾萬里遊勗爾增
哽咽曾趨詩禮庭肯墮忠孝節炎荒足瘴毒清
修飽霜雪忠信行蠻貊庶獄片言折前程豈不
遠但須慎途轍摩挲老眼明名位看掀揭願爾
鴻雁羣聯翩競頡頏他時聚京國令我生喜悅

送馬州判承學之任蘄州

皎皎中吳彥夙學成秀姿海底珊瑚叢風前琪
樹枝天府登雋名兵曹崇令儀要津擬立致衆

女嫉蛾眉惹苒苒作明珠今古同嗟咨外遷詎非
福玉汝造物私止謫貴自修往訓何足疑會奮
澠池翼雲路方清夷臨岐勸加餐靜晦以俟時
南渠詩爲王給事存約

越山有清渠流衍何迢迢高挹玉礪泉下接滄
海潮深矣蟠魚龍淺者生菰藻氤氳起層雲滂
澍慰枯焦山海鬱靈奧幽隱所逍遙美人宅其
陽詩禮承宗祧虛懷抱淵潛竦身搏扶搖閱時
敷文理芳潤灑璿杓宦業何時固還赴淮南招

濯纓渠水上日夕話漁樵
蹇予山澤癯遠遊思
寂寥天台與鴈蕩其無忘
久要

有感三首

浮雲狎狂曠荏苒泛層陰
庭花黯秀姿濁酒罷
孤斟上林光景遲
啁晰亂鳴禽天機相觸發
黃口皆好音

其二

先后樂受善海嶽何高深
白日忽已西日晏傷
我心恒慮玄夜至
揮戈淚橫襟世途多嶮巖
永

懷蓬山岑

其三

季春飛霜雪日日聞北風
北風復何如塵沙晝
冥蒙聖代防壅蔽
宜言臣庶通衆謀
唯一心恍
慨激深衷戎衣干南狩
不如坐法宮外意士女
艱內意蠹賊訂廷責
及逮繫四曹郎署空
天心無沉怒寬大行責躬
及時降雷雨一洗災沴空
顧嗟稻梁謀哀鳴中澤鴻
驚波非于磐飲食媿
羣公

奉公初行人司所上封事與四曹相爲後先而
獨不見處分諸君待罪累日復上一章
申理而大理左右二寺并工曹三人復
抗疏論列上怒遂俱下制獄後復詔
通前繫六人俱帶繫械仍跪五日前一
百七人跪五日後詔各杖三十舒修撰
芬張文選衍瑞孫武選鳳姜儀制龍陸
郎中俸五人調外任餘罰俸六箇月
嗟嗟諸曹彥職守非言官封章觸忌諱忠憤激

肺肝爲善雖近名猶愈相欺謾長堤螻蟻穴撮
土室非難只今已崩潰旁矚令心酸一挾雷霆
闔下有蛟龍蟠縱橫下土石砥激成驚湍何年
運神工隄防復堅完百物資灌漑高下得相安
淵淵播澤四海無波瀾

薰風亭爲正夫作

孤亭選地勝紋漪動天影荷芰時發生魚鳥得
游泳薰風鼓羣妙恍惚遺人境主人草玄罷燕
坐憂耿耿吾民今何如愠喜誰存省但祈桑穀

長復報烟塵靜農夫有重襦寡婦利遺秉願將
披拂意散布自臺省江山護靈輿夢想注芳景
華勛入虞絃朝野白日永

題適菴爲周鶴太守作

莊生夢蝴蝶列子御風行寄言入無何荒虛非
世情緬懷濂溪翁傳道發天精胸次旣灑落出
處終和平荒林榛莽積路岐荆棘榮
肥庭草日生生

送劉戶部燁然督權許墅還朝

蕭蕭長洲苑江波冷丹楓之子戒明發仙鷁凌
長風文皇虛前席何以慰兢衷豈不念國儲江
湖商旅空

其二

之子燕臺英出入奉輦轂法宮雄梁棟遠道壯
輪輻大聖曾料量時人鄙錢穀寄語秦司徒殷
勤念民瘼

和朱侍御所和唐人詩韻

峻躋天爲伍高臥雲作床神羊豈世羣楚蘭非

國香鬱紆林壑姿動蕩江湖光坐欽持斧客操

觚今擅場

唐人燕集賦詠則推一人擅場

博念紀事

嗟哉濟南生命薄乃如此充貢來京師期卽爲
貧仕行挈糟糠妻二雛亦隨侍中途妻淪亡大
兒奔歸里復盜囊中金蕭條歎行李獨與小兒
居日鮮煤與米螺蠃負螟蛉遠邁瞿塘裡生復
遘疾疹凍饑不能起我聞遺數金遄往事何濟
且令具衣食餬口及蔽體庶幾二月間得預南

宮試學舍沾一命聊奮迴溪翅父子離合端難
料他年事小民吾同胞何況章縫士側聞四方
災畿甸人多斃流離入都城哀號滿衢市舉邇
可知遠情狀良不異徒然興太息安能普厥施
誰繪鄭俠圖持來獻 天子

明妃詞

良工自誤妾妾心終不移他生誓相見幸得被
恩私

妾身那足惜其如國事何防胡貴良士尤慮盡

工多

送王甥汝康之任長垣

百里古侯國縣令今要吏 皇澤賴以宣生民

命攸寄自昔重茲選汲汲求豈弟長垣隸畿輔

徭賦當踵至古云寬一分民遠猷須保障勞力

統撫字王甥世宦家才美挾利器初命得壯縣

剗割恒敬忌蒞事念所學樹烈企先輩勿殃人

快已勿嗜利忘義祗席厝顛危藥石攻痿痺萬

物本同體咸使蒙惠利天道豈遼遠諸福將會

萃國史傳循良聲光昭永世

顧文康公詩草卷之二

東吳顧鼎臣九和著

七言古詩

文筆峰歌

玉山翠兀難為容
 障礙滄海當其衝
 洪濤噴箭射震澤
 湧出萬朵青芙蓉
 鍾靈孕秀窈莫測
 中有插天文筆之
 高峰
 高峰峭絕巖之牙
 吐吞五彩栖煙霞
 天公醉怒潑雲墨
 神樓夢曉生天葩
 蒼崖夜半飛霹靂
 長空萬里騰龍蛇
 東來方丈

履文康公詩草卷之二
一拳石西嶽蓮花安足誇揮毫爲風灑爲雨長
杠百尺皆如縷金精沍質玉作牀壯觀東南矗
天柱區區海邑不可當巨靈合置中書堂柳公
諫爭補元氣杜老塗抹昭奎光鼓盪河漢浴日
月點綴星斗垂文章明精休氣被大荒收歛萬
化歸毫芒陰陽把握鬼神護卓立萬古直與天
無疆

弘治十年九月十有八日顧全書

附考志未府君跋

於戲此

先文康未第時所著也尚未改今諱在邑
庠年方二十有五耳而揮毫若此至今與
文筆爭光後有作者何以尚之偶辱孝廉
王君沕菴來招光兒會文言曾于嵩南顧
翁第見 手澤次日吉踵門求覽得錄以
歸原軸蒙其珍藏寶玩不敢強之授我也
因喜而識之萬曆十有六年三月二十有
八日小男履吉謹識

壬辰六月虛山學士邀賞院中荷花鼎臣

適臥疾不預羣公皆有紀勝之作而桂

洲先生獨歸功不佞院中池并荷衰餘

未能和也七月十八日公邀甘泉公暨

予賞署中盆池二花且云倘子題品庶

成瑞應蓋公久凝畫寢之祥方迂充閭

之憂茲花應祝而發當秋而開吐拔秀

緜異尋常其為佳瑞無飲酒餘走筆

和中賦啓賀人將倚和成

玉堂勝賞羅羣僊新題燁燁都人傳緣薄調卑

恧下里徒聞大雅遺音嗣行葦南宮之署閭闔

東冰壺玉鑑軒墀中仙源窈窕瀛洲通生祥應

瑞理則同花神靚妝經雨洗物外尊前增旖旎

飛蓋懸瓔駐秀華明肌玉潤含香洗誰言五嶽

一聚塵生甫及申維隆神羣從弟兄今四海東

南賓主吾三人桂洲公是清都彥洛浦蓉城恣

遊燕皎皎英標世共傾亭亭直節天為盼碧筒

...

...

履文房公詩草卷之二
三
累醜興轉豪銀河入夜生秋濤海東兔鬼遲遲
上似聞公之邇來禿盡中山毫吁嗟淨友逢歡
伯妙句驚人
不須索羣僊八月來赴湯餅筵共
看玄珠纍纍結駢實

舟中感懷賦長短句

昨日過大江今日過長淮適值霽景四無氛霾
蘭舟凌虛天光徘徊有時陰雲蔽虧飄風奔頽
濁浪排空怒聲如雷白日晦冥蛟龍喧豗寸木
之下黝然泉臺幸而濟者形移神摧越此北往

有宦海四顧渺渺無津涯千流萬派爭噴射長
帆快檝相擠排風波時驚變怪百出奚翅百倍
於江淮往往殺人令人冤哀痴涎成淵白骨成
堆而使飲食坐臥於其間吁嗟乎其危哉靜言
思之壯心成灰富貴有時盡不如歸去來五湖
清淺波浪小松巖梅塢生莓苔扁舟短履日還
往青猿白鳥無驚猜山花對濁酒笑口時時開
高眠長嘯三萬日翩然騎鶴遊蓬萊

東晉夜泊望太白樓句作暮

色慘愴太白樓古下俯寒江流乾坤氣象留虹
月棟宇壯觀凌春秋往年鼠輩縱殺掠焚蕩廬
舍令人愁城完顧樓了無恙應有鬼守神功修
謫僊偶爾墮名迹祇今乃在天上縹緲白玉之
飛樓星慄霧箔幾醒醉山川回首俱糟丘君不
見丁令威化鶴千年始一歸分明感歎人民非
又不見回道士岳陽三醉玩濁世劍光飛逐湖
波逝乃知神僊只在地或在大有時蓬海嬉雲

烟思之不覩心茫然東華遊子蝶夢覺城頭殘
更正催曉白也歸來定何年五嶽尋僊苦不早
詩成自擬還自笑莫道風塵髮成皓

送徐太史林屋先生奉使浙南便歸吳門省母

宗人簡封開玉牒侍臣捧冊辭金鑾藩邦拜省
主恩重使節過門人共看春生舞衣慈母歡興
落浙天詩景寬山中到日風雨作應為汛掃毛
公壇

題梅谷

我作萬梅菴主人君爲地主翻作鄰君居幽谷
梅爲賓冰花鍊幹何嶙峋聞君近學佛氏法清
修淡食意味真何年蛻此梅谷去青蓮花上現
金身

詩示三子二孫能和者和來

老夫迂愚復衰朽搜索枯腸何所有豈堪操觚
抽秘思唯樂當歌飲醇酒求舊深蒙主聖明
代言弗計辭好醜此日徵需苦大難孝子慈孫

能念否

附考志未府君追和二首

先考前詩之作想在嘉靖戊戌己亥間第
四子履吉方四五齡耳所謂三子二孫固
吾三兄二姪也今皆謝世未識當時曾有
和之者否也幼子何幸得覩手澤于四十
餘年之後耶勉賦二首以續前貂

山斗文名垂不朽曾藏萬卷稱何有絲綸
自是可代言麴蘖從來堪作酒啓沃功深

履齋公詩集卷之二
青憚勞謀猷日進猶云醜詩成垂後四十
年今日和來應鑒否

賤子疎慵同木朽未聞詩禮焉能有飽溫
不在食與衣放達何常詩復酒丘壑無非
荷

帝恩身家幸免貽親醜于今池上鳳毛新
一曲陽春能和否

萬曆九年辛巳臘月二十六日第四子履
吉謹追和

柳枝歌送別駕王敏齋先生之任

柳枝曳餘春春去還復來折柳送行客客遊浙
水隈天衢驥足不受絆祖筵鶯語空追陪東南
民力方可哀別駕堂堂濟時才灌溉若雨露鼓
動如風雷坐令枯槁生根芽最書明涉定不遠
聖主側席黃金臺君不見隋趙軌赫赫佐郡聲
光回璽書赴召何相催齊州父老遙扳餞酌取
清冷水一杯

恭賀

聖製

山陵春祭嘉喜歌

貞元啟運 聖人作飭禮起義天之先祀儀政
典光 祖武春秋舒歛造化奚間焉雨露君蒿
肇陵祀類錫感化心同然二月之吉駐蹕七陵
左龍光鳳彩騰躍雲峰顛親承遣攝備明薦君
臣一德輸精虔 聖慈展拜官闈從作則垂範
真無前受釐考事神人悅六飛振轡將言還臣
民士庶祝萬壽合手加額擎雙拳俄聞中使報

大慶有詔始自貴近遐敷宣日惟第四 皇嗣

誕午夜真幸抱送來自天萬口歡呼振巖谷九

重春意盎盎開慈顏鼎彝勳勒頌宜君復宐王祖

考申祉生聖還生賢微臣私忭瑤壇榜 語協禎

應長中少男先從乾本支百世千萬世皇圖永

奠磐石堅恭觀 睿藻富篇什謙冲不處秉淵

淵元良仲叔非久須受學願簡忠貞輔導泰拔

茅茹連宗祊啓佑成令德至仁純孝百行先神

孫奕葉敬承繼成憲永鑒其無愆明良賡歌萬

古昭史冊豈直朝野一時垂播傳山氓村叟蒙
帝力歸語婦子同愉嗚太平謨烈耀窮壤吾人
何幸際此熙熙嘉靖年

龍頭石歌

巧匠何從琢水玉古質奇形看不足峩自合
鍾元氣鎮重尤宜壓浮俗壇登座對凝心賞歷
覽感會增慨慷太湖聚族甲天下雄哉直足丈
人行昔賢勛業垂軋塊神物與俱聳吳望當年
謫降文星化呵叱千古應無恙邇復假手置學

宮文敷泮水扇華風騰光夜拂台垣上倒影曉
浸扶桑東用汝其爲傳巖子藏諸或伴商山翁
一朝飛神西華頂五老蓮華未堪並明星洒掃
勅五丁玉女凭之醉復醒一笑相携入太清

顧文康公詩草卷之三

東吳顧鼎臣九和著

七言絕句

恭和 聖製魚入舟詩二首

聖皇遊衍與天通
川谷清華浸翳空
次第百靈扶繡舫
巨魚翹首覲神龍

其二

玉泉銀漢本流通
風靜波澄湛碧空
周武白魚初獻瑞
禹舟仍挾兩黃龍

卷之三
恭和 聖製禘祭得祥詩

巍巍禘祀肇元良 祖德 天心眷 聖皇電
繞虹流將協慶喜珠靈燕總呈祥

題夏仲昭竹

仙人種玉玉生筍轉眼寒稍高幾尋澗壑風微
雲欲度不勝詩價動秋林

送孫侍御夔卿卽事四絕句

白鷺紫鴨寒塘午瘦馬沿堤送客頻獨有春湖
好風色天涯何日是歸人

其二

曲曲長堤帶淺莎滿堤晴雪數羣鷺右軍莫詫
清真客不向山陰奈爾何

其三

楚楚雙童看宇鮮新歌一曲羨當筵分司御史
多情甚回首啼鶯隔翠煙

其四

都門橋下水潺湲紫靄連山馬上看唱罷驪駒
念行役西風獨鴈暮天寒

甲戌春日出城

帝城三月不知春，負我東風馬上身。今日出城塵夢醒，香街無數賣花人。

乙亥春暮過酒家

緩控青驄過酒家，飛帘故故拂烏紗。山中莫惜重攜酒，猶有幽巖未放花。

對花

愛花本爲花無語，顧我終嫌我有情。相對相忘各相得，雲頭新月露微明。

走馬燈

火氣迴風轉，捩機爭馳人馬弄。鎗旗油乾燈滅，撥不動方是英雄休歇時。

題夢梅卷爲王公甫和祝希哲韻

仙凡落莫路中分，只隔陽臺一片雲。何處金丹能換骨，夜深曾遇玉妃覓。

爲陳錦衣顏良題畫菊

自憐皎皎霜中傑，風味全應入楚騷。縹緲清都本來意，不因顏色澹高標。

其二

帝城秋雨灑涼新釀出仙家碧甕春
松菊故園今寂寞風塵媿負白衣人

和張羅峰閣中對菊

蓬山自是先春地醉日酣雲千萬
葩獨傲繁霜殿秋色台垣今見兩三華

乙未春二月家山移來綠萼粉紅二梅俱
着花頗佳速諸公卿賞之客衆而譁未足
以答花神也明日復邀坐中二三知己盡

餘興因賦絕句見意而少宗伯汝湖先生
用韻備三章增重二花多矣因復倚和前
後凡得五首

江梅有待騷人賞去日塵勞興未酬
薄暮瓊妃待尊酒須教春色上吟眸

右原韻

其二

萼綠仙人寵專夜千金一刻價須酬
苑雲晴絮香浮夢月漢清波冷浸眸

右綠萼梅

其三

梅妃久擅西湖勝
攜入瀛洲願已甯
酒力生春暈肌骨細
吟香影一凝眸

右粉紅梅

其四

聚塢梅花甲天下
憶曾遊賞費賡酬
何嘗去作湖山主
廿里瑤光豁壯眸

右有懷家山

其五

清標麗質俱奇絕
心賞須將酪酏酬
從此風塵少顏色
休論皓齒與明眸

右總題一二梅

期看梅花不果作

山童報我梅爭發
釀出新醪且辦詩
雨雪春陰連十日
看花阻我隔年期

其二

此日看花正及期
醉雲歌月笑支離
重來把酒俱陳迹
指點枝頭青子時

徐子容殿讀分惠南來銀杏奉謝一首

每聞南雁動鄉思
五十還山未較遲
縹緲峯頭千丈樹
驪珠手摘是何時

玉山小閣孤坐二首

乾坤落落許浮名高閣憑虛思杳冥分付江豚
莫吹浪風波眼底幾曾平
金山絕頂此孤亭昔日飛遊攝太清無限高懷
逐明月夜深吹笛洞龍驚

絕句

漕河淤塞舟偏重舟重全應載利名來往淺深
無不可悠然惟有白鷗輕
南船爭北北船南撞擊喧囂兩不堪爭似釣舟
青障裏片雲春水百花潭

風月三首

無端嘔洩不堪論暑氣薰人思轉昏今夕病餘
風月好小庭依舊把清尊

我因脾病思音樂手按山童曲幾迴却喜晚涼
斜月下風飄細細笛聲來

天風吹人肌骨爽海月照我須眉清忽然欲動
扁舟興不知何日解塵纓

贈相士陳綬書扇頭

弘治甲子秋八月將赴省試綬邂逅卽

以明春大魁相許後丁先考憂家居綬
來謁贈此

塵埃物色知宰相急流勇退見神僊新詩題此
送君去他日持來閫闔前

春郊贈別詩有引

夫物咸有盡也故達人視形骸猶贅附
以富貴爲儻來惟爲善人道當然不可
不勉善根諸心發之爲文詞爲名實是
則可以不朽者其至雖與天壤共盡可

也是以君子爲善無易節無遺力孟軻
氏曰夭壽不貳况其它乎吾祖宗百年
來累善有基本至先修撰公益務充拓
致深厚平居教子孫力學徙善至嚴子
孫賴焉乃其偕兄子孔昭竝以文章進
爲天子近臣孔昭自少耿介不樂俯
仰人故自舉進士入翰林爲庶吉士出
授監察御史迄于今所得輒不償其分
其爲京畿提督學校官數年名實稍稍

著見去年冬 天子欲得人治馬瑚天
官以其名上暨得命士大夫諱曰噫水
陸皆萬里程所經半魚龍豺虎之區其
何以往某曰 天子念夷落久虐于其
長更著流官未幾其尚未寧重吾姪得
往臥治之雖險遠何可辭孔昭則曰吾
身久非吾有唯有我者所使隨在思舉
厥職他不敢知其言若是其不自怠舍
善就不善可保矣詒難投遠出入艱危

天其或者繇今日以有他日動心忍性
增益其所不能畜厚而施名益博以閎
實益大以隆周竟卓越爲 昭代名臣
可以不朽可以無忝所生引家世爲善
之澤于無窮所得不旣多乎衆以爲然
兢吐竒語爲詩歌若干篇送之吾詩十
章蓋家庭慰勞勸戒之辭鄙俚固不可
附于諸作也卷成孔昭復請引其端遂
述斯言用申厥志

履齋公詩草 卷之三
古人驅車九折坂志士進步百尺竿不負此心
隨所適青天蜀道若爲難

蠻夷性蠢類猿猴喜卽油然怒跳嗥和輯一方
功不細九重應免聖情勞

鑿渠興學補天功舊說文翁與李公民物到今
遺愛在歌巫日日野祠中

百篋當年見苦心一琴終古有知音而今別作
隨身計數篋圖書當篋琴

峨嵋青冥倚天開錦江秀色灑地來萬古山川

增氣槩孰云李杜非僞才

官廬蕭瑟鳳城陰爾去全荒舊竹林欲更移栽
開一徑來時應見碧森森

劔南新笋似江南白飴黃蘗相和甘西望側聽
消息好馬瑚太守更清饒

炎方歲晚無霜雪十月巴山梅正開縱得新詩
懷北客天涯那有雁傳來

浮榮世事金爲注憂患吾生玉汝成暫爾回磔
養風翻扶搖九萬是鵬程

十年骨肉幾分離去住相看淚滿衣共勉忠勤
答明主他時請老願無違予偕孔昭嘗期效
二疏同時請老

苦雨喜霽

丁酉七月

四方水患誠非細畿甸霖霖豈偶然今日登樓
望晴旭始知雲上有青天

嘉靖己酉除夕贈別曆日一首

披簡時時入手中來來節序轉頭空勢盡齧蛇
悲往迹功成芻狗慨前功

示子孫二首

雖云壽夭總繇天古有長生是學仙我亦曾聞
古仙語存心積德定延年

嗣續須教天主張數經調藥總荒唐若能節欲
行陰德便是千金種子方

有感

大魚崢嶸思奮飛小魚逐波身自肥霖雨蒼水
總休論競尋香餌遶苔磯

偶成

午靜雨聲涼入夢鈎簾坐壓庭花重宜男兩朶
挺風標幽賞堪憐誰與共

大魚喜雨

嘉靖癸未

乾坤覆載生成我禍福災祥敢遁逃莫怪甘霖
今較晚須知一滴也難消

十飲詩并序

內附七言律一首

崑山之縉紳吾舅氏遜菴先生仲兄自如先
生輩年七十以上者要結爲十老會可謂勝
事不數年諸公淪逝者大半所存止遜菴公

暨王真愚高歸田周秋汀四老而已四老平
生少飲雖廣座盡日不數酌輒止矣今不惟
壽考而且康強因念吾祖考呆菴公年九十
三桂軒公年八十八皆無疾而考終二公尤
不嗜飲繇是益知酒之能致疾促齡而攝生
者所當却也人固有劇飲而壽康者此鍾氣
厚不可恃以爲典常也某量狹而興豪性好
與客賭飲職是冬疾早衰每鑒前轍惕然生
悲思遂絕飲而勢有不能事有不可乃著十

飲之限各系一詩直言已志賴以寡疾而盡
年云爾幸我親友諸君子愛人以德相與成
之

君賜飲 家慶飲 成祭飲 佳節飲

遊山飲 泛水飲 對花飲 坐月飲

歌舞飲 觀奕飲

右十飲或得于天或起于人然必天人相遇
而後成不偶然也君賜家慶邈不可期佳節
祭餘一歲無幾惟山水花月之會似于易尋

亦每久要而多撓偶值而莫往抑亦造物所
忌歟歌舞則曠時而寡遇棋奕則持久而難
決飲皆不至于沉湎耳越此則不飲矣若夫
藥餌之制節宣之道行于家而事于旅有不
能不資于酒者又不在禁限云

慚負流光醉裏過半生心事尚蹉跎若爲老子
斷飲爾其奈麴生風味何老去正須存節制興
來聊假養元和同遊總是知音者聽我殷勤十
飲歌

君賜飲

君賜黃封酒上尊鎬京錫燕幾金門扶搖未倦

南飛翮涓滴還沾 聖主恩

祭餘飲

明德齋心享祀餘禮成福受亮非虛斯時羅酒

會賓族樂事尋常知不如

佳節飲

老來光景尤堪惜佳節須將醕酏酬但願四時

開笑口人生我獨住丹丘

家慶飲

家慶于今屬子孫全看成立荷天恩榮光喜氣

羅門戶拚取淋漓倒玉尊

登山飲

我見青山見美人山中景物逐時新但教登眺

悠然處肯負淵明頭上巾

泛水飲

春暖秋涼遊泛時白鷗黃鳥會襟期扁舟載酒

共知己滿地江湖隨所之

俱又康公詩草卷之三
共賦對花飲

園林隨處有芳叢倚態交香造化工願得花開
我長健衰顏借酒與花紅

飲然坐月飲

貪看青天白玉盤坐來風露不知寒一尊曾與
姮娥約不是先生酒量寬

羅四歌舞飲

暮年陶寫憑歌舞樵唱漁歌也自竒野老詩朋
相對處若還不飲是愚癡

觀奕飲

人世分明是奕棋坐憐蠻觸競雄雌機心斂却
推枰際把酒相看解一頤

愁寂飲

野人心性本無愁愁逐時生不自繇愁破還多
步兵力策勛應拜酒泉侯

藥餌飲

藥有竒功酒有神酒堪調藥藥扶身衰年但得
身康健坐卧行休隨處春

顧文康公詩草卷之四

東吳顧鼎臣九和著

五言律詩

陪祭

長陵

景陵道中即事

潦倒嗟行役
馳驅得壯遊
牛羊村市晚
禾黍野原秋
近塞妖氛寢
諸陵王氣浮
河山鬱形勢
千載奠神州

敬和

御製除夕詩

戊子正月四日

三
更非臘盡七日又春來
正月六日立春
歲晚民思樂

陽和物自培調元須國老濟世不凡才

帝德如天運巍巍仰大哉

贈鄭負外繼之歸閩

脩然鄭少谷時裏玉臺巾氣覺市朝隘情於林
壑真隱憂多病日賜告得歸人似欲窮幽討憑
將未老身

和逍遙亭韻

卜築對家山虛亭盡日閒鷄豚秋社後鵬鷁太

玄間倚杖黃花徑停撓碧水灣它時分半席老
耄看童顏

醉後

葛天氏之民陶然任性真風雲乘變化雪月見
精神有物皆為癖無時不是春玄珠還罔象天
地一閒人

除夕

人笑人歌夜年來年去身鬢絲渾欲老藥裏鎮
相親臘月鄉書斷官居守歲貧糟糠同話舊婢

子酒行頻

雨

山氣潛通夜簷聲競浹晨曲渠行淺瀨高隴濕
囂塵紫健筍尖出青多檜葉新蒲前生動意與
物共欣欣

哭倪鞏昌獻夫同年二首

乍惜一年別遽為千古人中臺矜法理徼郡隱
陽春官晚地偏遠交深情更親空傳孔雀夢鵬
鳥上承塵

曾刑部服闋夢至部曹二鷄化為孔雀後一人問其姓名曰鞏道士也初

不可解後出守鞏昌曾竟代之蓋獻夫長髯大袖故人戲呼之曰倪道士云

其二

二豎攻何酷七情煎肺肝鄉評棺已蓋遺愛石
須刊身世一朝盡妻孥萬里難良朋摠零落涕
淚幾沈瀾

赴類菴趙司成城西賞花之約借徐太史
子容聯騎欣然有作

西郊幽勝地紆水帶遙山遊客雨垂帽禪林風
繞關我猶黃犢健誰與白鷗閒徐孺典俱劇聯

履文房公詩集 卷之四
三
鑣時往還

至類菴庄芍藥盛開坐久主人乃至
招邀得徑造好雨催花開造化玉爲質階除雲
作堆急須杯酒賞欣報主人來歸贈應成把都
城首重回

其二

別業荒城側膏原芳樹深茲遊成繾綣往事嘅
消沉紅藥傾人色黃鸝妬客音無端催去騎遠
道閣曾陰

片月

片月秋宵迥寒光猶自微塵沙爭黯黶星斗讓
依稀有約成攜酒相將扣掩扉踟躇莫西下留
照馬蹄歸

贈施存拙

舉世多機巧憐君孰與儔屠龍成底用抱甕亦
何求事緒真如蝟生平只似鳩應誇老學究書
卷是詒謀

山寺懋華藏寺

山寺屢遊徒未嫌衰髻侵上方探處遠幽意坐
來深古塔逢雷火飛樓架碧岑千秋有詞客詩

律嗣徽音真吹散生平只少賦詞客學武書

奉世和僻間韵

吳都曠原暨東面起孤屏妖祲海濱熄元季海盜西掠

望見旌旗滿山上而退蓋山神為之事聞詔歲祀物華天外明凋殘悲

此土衰落感吾生斟酌存康濟璿杓入夜橫

其二

翠巘江城迥一簪興味同行藏雲影外今古鳥

聲中曠覽憑朱夏狂吟倚碧空真思駕玄鶴西

望極崆峒近傳崆峒山有二玄鶴故云

和唐人韵

丹厓醉起舞碧海思雄吞世情去雕飾吾道見

本根梵宇青蓮臺仙家白榆村俯念寰中子泪

没無窮門

補遺

和貞菴留別

賀成新廟制餞別舊朝簪虎豹天闈九鷄鸞海

顧文康公詩草卷之四
島三封章明憲度羣吏肅朝參獨念相如病離
情兩不堪

蘇曼

蘇曼

蘇曼

蘇曼

蘇曼

蘇曼

顧文康公詩草卷之

東吳顧鼎臣九和著

七言律詩

序菴閣老一品兩考適閣前盆池荷花初
開有詩索和

黃扉花發五絃風玉井徒誇十丈紅長養繇來
荷真宰品題今復藉宗工漢池靈種珠爲實瀛
海仙人貝作宮解語汾陽纔兩考只今朝野仰
元功

履文房公詩草 卷之五
邀吏曹諸公賞梨花松臯太宰賦詩爲謝
和韻

飛瓊月下縞衣單體象虛無本耐寒妝靚未須
教雨洗神全應不爲春殘盈盈素質凝香玉的
的芳心暈紫檀客去酒多花未睡一尊聊復盡
餘歡

癸巳八月禮部贊治堂成大宗伯夏桂洲
少宗伯席虛山以中秋日邀南宗伯湛甘
泉翰學吳北川張陽峰暨予落之蓋堂爲

宗伯退食之所名則桂洲取大拜時 手
勅中語也卽席賦詩以紀勝事

南宮八月錦堂成彩筆新題贊治名棟宇允聯
天極近軒墀瑞協泰階平文星落落千年聚卿
月團團萬里明共忝詞臣叨此會主恩深重若
爲情

九月重陽日吏部群公會餞衍聖公于禮
部復憇贊治堂卽事

羣公餞送東歸客贊治堂新再過時京國衣冠

履文康公詩集 卷之五
多大雅清秋風物費相思酒當佳節難成醉花
傲冰霜莫厭遲秩秩賓筵沸絲管不妨重賦鹿
鳴詩

和王太史繩武晚集韻

園居幽迥帶林塘清夢無緣到玉堂盡日鷗眠
閒自得當秋花發晚逾香巾紗歷歷含星彩觴
羽飛飛拂露涼台鼎助華付英俊衰頽已覺鬢
眉蒼

偕友數輩弔龍洲墓

風風雨雨渡江來涕淚中原首重回斗酒自宜
懷楚璧千金誰爲築燕臺英雄氣槩名空在零
落衣冠事可哀聞說令君追往躅忍教祠墓總
蒿萊

正月晦西山看梅值風雪或云梅花已盡
賦此

新年未試登山屐得伴尋芳重此廻詩景正嫌
無雪補遊踪不限有花開春生賦客奚囊滿凍
勒梅妃玉駕回旦日晴和恣遊賞餘花剩雪兩

徘徊

其二

此日看梅較已遲，爭教風雪更相欺。
花魁愛領三春事，朋舊招邀半歲期。
羌笛愁聞疑簌簌，灞橋吟望惜垂垂。
重來又是風光別，細雨肥黃子滿枝。

正德新正九日從遜菴母舅偕張二南太守朱半山節判周可貞侍御并姪潛持酒訪虞竹西藩叅遂登東禪毘盧閣遊賞盡

日醉歸賦此呈竹西

爲訪詩翁因卽勝，競攜新酒薦春盤。
浮生樂事閒中少，前輩風流此會難。
丹閣陰晴僧入座，玉山高下客凭闌。
四方戎馬堪流涕，歸把吳鉤醉裏看。

送吳白樓宗伯改南太宰兼官保之任

求舊猷詢他日事，宮衙先示寵恩優。
官曹到處因公重，仕路何人與道謀。
製作黃初添幾帙，衣冠白下憶重遊。
過家喜值秋成後，旦日提壺

到某丘

東倉觀潮作

海若鞭潮出海門
霆奔雪捲帶靈氛
六鰲駕撼三山動
萬馬聲傳百谷聞
應識更期人似玉
往觀誰使女如雲
傳巖舟楫真時用
巨濟功成日未曛

口占贈西洲樓前海棠

去年我從東老醉
未賞名花西子顏
流水滿溪空燕雀
夜雲將夢幾湖山
風標定比三珠樹
寵愛應移七寶闌
今日春殘花欲老
錦筵歌酒不成歡

中元日恭侍

聖駕祭

長陵

景陵道中卽事

祀罷 陵宮已四更
殷雷急雨過山城
功兼創

守 先王業義重烝嘗
聖主情餽輓支離思

國計農田櫛粟喜
秋成荒榛宿淖聊
紆避周道

行看似砥平

和文衡山韻

家山已分百年淹吏隱從來未易兼
長笛逆風移短棹枯棋戰雨並
疎簾弄孫每愛紅顏沃請
老何妨白髮添把酒哦詩最幽勝
薔薇天棘滿前簷

病起九日示諸子姓

秋來伏枕愁懷抱此日開顏見爾曹
送酒送花新客座衝風衝雨舊綈袍
頻年老病心逾壯何

處登臨境獨高五岳相將容杖屨
未應塵土與蓬蒿

東江院長嘉遺山石小詩奉謝

野人癖石重摩娑無酒無詩奈爾何
上苑花深清露重故山芝老白雲多
荒閒我亦堪爲伴俯仰誰應與不磨
何以酬君意蕭颯醉餘憑賞一
高歌

九日

兄弟天涯重九日望憐佳節若爲酬
清門客少

閒常掩老甕醅香喜自筓破帽輕衫羈旅况紫
萸黃菊故園秋西山未放遊踪遍牢落高情付
倚樓

水村尚書留賞芍藥賦此紀勝

忽醒塵眼訝花神何處偏承雨露親西子當年
讓傾國東皇特地遣留春玉顏狼籍聞豪里菜
色流亾憶病民情重主人清燕罷不勝高燭照
愁新

承天門候 駕敬述二首

聖主郊回大禮成鵷班濟濟玉階迎九天春颺
旌旗影萬戶歡騰鼓角聲閣道殷雷龍御近燎
炆浮月鳳墀明精誠合受無疆福端拱垂衣享
太平

其二

拜首揚言共慶成天回步輦綵雲迎周廬夜暝
千門色內苑風傳萬騎聲禮樂皇皇臻美善休
祥續續答齋明 聖人有意恢前烈周道行看
如砥平

慶成宴用前韻

鎬京春宴禮初成
綵纈宮花劔珮迎
座上鯨尊浮海氣
殿頭鸞吹度天聲
星弁簇簇風雲會
龍袞垂垂日月明
講幄小臣先獻頌
瞻天喜見泰階平

立春

律轉鈞回淑氣迎
冰霜先放一冬晴
年華入鬢渾無賴
物色撩人太有情
阮醉任爲青白眼
韓窮莫賦短長檠
五湖煙景頻相召
肯爲浮名悞

此生

元夜馬上卽事和盧師邵韻

元夜都城有笑聲
六街燿火艷春晴
異鄉幽興尊前少
遊女新妝月下明
蔀屋青燈和淚暗
朱門畫鼓驟花鳴
隔牆多少寒暄別
誰道東風不世情

元夕

春回二日是元宵
氣暖天街凍漸消
月殿簾櫳開永夜
帝家燈火徹層霄
王孫花裏呼春酒
仙

子雲中弄玉簫獨有宦遊愁寂處短檠華髮影
蕭蕭

奕棊和盧師邵韻

興逐虛枰落子聲不知明日是陰晴機藏滅竈
非孫臏勝決焚舟有孟明漢鼎當年曾鹿得秦
關半夜忽鷄鳴英雄千古成何事聊用閒邊一
寄情

送周道士還吳

天上新恩沾客羽故山雲水動遐思清溪白鶴
歸來日玉洞桃花未放時肘後丹符誰得秘篋
中詩艸共稱奇玄門處處塵埃滿分付東風着
意吹

無題

世外那知別有權天孫握手傷飛欄明河影月
澄秋素溫玉畱春辟夜寒幽興欲栽仙兔穎餘
醒頻試小龍團新歌豔舞皆殊麗花想雲疑不
盡看

冬日偕盧師邵周伯明二侍御登鏡光閣

和師邵韻

依然曲徑隱松蘿十載塵勞一再過蓮座佛光
分入鏡水湖人跡遠凌波五雲靄靄蓬萊近雙
閣輝輝日月多從此幽林增氣槩鐵冠承宇兩
峩峩

戊戌試士有感

并序

弘治乙丑今介溪禮書甬川吏侍暨鼎
臣會省試偕捷茲嘉靖戊戌會試介溪
知貢舉予二人主試三同年復同事場

屋可謂一時盛際午夜閱卷之餘因思
孝宗皇帝當乙丑三試之日每夜焚香祝天期
得真才爲國家用某等立朝未兩月而
龍馭上賓矣於乎悲哉繼事

武宗皇帝

今上皇帝竊祿已三十四年而勛業無成老將
至矣深媿

孝皇祝望之意未能報稱俯仰今昔曷勝感慨
用賦一律以自又兼呈二公冀誨我勗

我庶或收桑榆之功焉仰惟

皇上求賢之心更切安知不精虔夜禱如
孝皇也因刻此詩示諸進士俾共砥礪早自樹
立毋若鼎臣優游玩歲貽他日之悔云
爾若夫詞格鄙俚非所計也

昔同挾策試三場今喜開簾坐一堂總爲朝廷
羅俊造敢言桃李在門牆文章達命聲華淺德
業匡時道路長慚負

孝皇祈祝意短檠寒漏欲沾裳

雪後柴德美攜酒過小樓有詩見示奉和
來歲農占定有秋長安瑞雪滿歌樓中山酒力
思千日太史遊心隘九州寒夢似驚清蹕斷塞
煙猶傍翠華浮滿園桃李含春意只待東風破

客愁

時武宗狩邊

家重持吳中菱橘酥糕至分遺子淵淵用
前韻各賦一律爲謝奉答

殷勤投贈故山秋有客狂吟正倚樓要使木奴
專言寢時子淵獨居好將從事過青州夢回嘉

樹寬應斷醉嚼寒瓢齒欲浮何日坐君林屋下
象肝龍脯話羈愁 右橘

其二

木蘭搖蕩五湖秋采采筠筐滿市樓風日晴暄
念鄉國冰霜寂歷到皇州 是歲大寒數稔所無 供來野意

尊前別憶得寒光鏡裏浮莫向隋池擬鋪錦故
宮遺苑使人愁 右風菱

其三

雪膚不見幾經秋風韻偏宜雪後樓饒脔不須

參玉板輕喉應待按涼州蔗餠梁合熊肪密花
露春融臘蟻浮饗此能無愧溫飽普天寒餓正
堪愁 右酥糕

子淵乞藕實用韻將贈

太液仙人間素秋徙倚水殿凌飛樓靈根真貴
下玉井華胄蔓衍開炎州神臯選物使其子贊
述功用言非浮願君齒錄勿棄置衰病頽齡何
用愁

偶成

清階素食我何求麋鹿心情只故丘不爲尋花
添酒債時因送客動鄉愁風塵白髮憑吹帽涕
淚蒼生莫倚樓不是不歸歸未得亂山深樹有
菟裘

水緯羅

越羅楚楚憐新製野客初傳水緯名鮫室藕絲
經露織烟消鶴羽御風行龍葱在笥看來好柔
膩凌秋着更輕老去筋骸宜爾輩疎縑細氎總
關情

郊齋道院陪坊院諸公燕坐

琳宮燕坐清都客談塵交飛玉屑清煖氣先春
冰欲泮齋心午夜月俱明欣承大禮歌天保共
贊神功告武成從此垂衣無事日皇禧渺
渺浹羣生

經筵獨受簡命進講洪範自秋徂冬四

閱月方畢無錫呂亨夫上舍

有詩

爲贈依和一首

綸音偏屬講筵疇敏學真成遜志求

聖諭有云令悉

意講說以稱求學
圖治之意故云

至寶待人初畀禹微言接聖

又與周凌兢歲晚當冰雪咫尺天顏近冕旒聊
效涓涓答恩遇敢言魚水分相投

嘉靖癸巳春正月元宵後二日啟蟄 祈

穀南郊陪祀歸夜過半矣雲薄風和明
月當午謝汝湖少宰謂余曰此景不可
負也遂邀大司馬濬川王公同至其第
燒燈奏樂傳觴投壺主賓頽然方已出
門天將啟曙矣賦二詩記之

郊回已是三更後與劇邀賓肆錦筵急向妻孥
須斗酒仍憐僕隸與青錢鼉鼓鳳簫開法部樹
燈藜火坐神仙新題爛熳傳奇事記取昇平嘉
靖年

其二

賓主風流王與謝疎狂客我共三人流連烟月
千金夜頃刻華燈四座春鴉散雞鳴催鼓角觥
籌壺矢惱比隣歸來夢覺消殘醉豁目天東化
日新

家世積慶至先修撰桂軒府君培養益深
厚正德丙子春夢家庭桂樹前後數行
皆新枝翹發殊秀茂可悅知先澤徵祥
於胤嗣也果於三月二十日得孫且予
三世皆生於乙未時亦奇事也詩以紀
之

崢嶸芳桂遶庭軒吉夢占宜胤祚蕃吳地流風
稱著姓大人餘慶在曾孫生時喜見同三世擢
秀寧教聚一門隨分它年課耕讀老夫終日對

清尊

吳子升大理賞牡丹燈用韻

再賞花燈盡主歡談棋酌酒坐更闌似於火樹
爭春早絕勝金蓮送夜寒孔雀屏前光泛泛沉
香亭外影團團粧成豈是真傾國莫遣高陽醉
眼看

送倫省元歸娶

客從天府成名後歸及南州春好時紫霧平津
龍劍躍碧桃緜嶺鳳笙吹洞房未覺登科小仙

馭應嫌渡海遲此日鄉閭誰不羨奎光喜氣動
門楣

壽舅氏大叅吳公

藩伯誕辰秋未半錦堂瑤管按靈鼉仙苞已滿
清都種壽酒平添滄海波崧嶽地靈傳舊事渭
陽時雨起新歌忠勤廿載歸來早棋局深山欲
爛柯

醉石

皇郎羊群叱不起米家丈人拜足當何如醉藉
雲根臥神發九竅生天光南山有時化糟粕北
斗長年挹酒漿世間萬事無何有瞪目松林煙
月蒼

拙叟

太湖三萬六千頃七十二峯煙雨中衆壑奔流
秋野濶孤松挂倒寒潭空恍疑靈境與凡隔不
謂人寰有路通畫船五宿澄波裏千載風流乃
屬公

過濟寧訪冬官童先生畱酌盡歡酒半出

新筍風味殊絕已而見其子年甫弱冠

文采照人知為偉器賦詩奉謝兼寓意

焉

花竹清妍水部衙采投呼酒坐來譁春盤細釘

蒼龍脯雨鼎香供紫鳳茶機事了無看抱甕客

情行復惜搏沙阿戎豈是池中物書傳須教讀

五車

今歲有事于

太廟恭捧

孝宗皇帝神主不勝悲感口占短律

微臣憶昔親承寵三十年來抱恨長 皇澤普

天同涕淚 聖顏常日在羹牆洋洋降陟知神

在翼翼齋明肅裸將功德如斯應不毀 慈孫

百世奉蒸嘗

次張亭溪學士祗壇陪祀韻

飛道峩峩鳳騰巘長橋矯矯龍臥波天漢仙槎

倚牛斗蓬山輦路結松蘿紅雲日麗微垣近瑤

圃春深湛露多供奉 君王千萬歲微臣歲歲

一經過

聚奎堂燕坐偶成二首

禮闈千尺倚天開
校士親承遣命來
萬國章縫趨魏闕
九重日月照燕臺
花生兔穎凌雲氣
彩纈蠶絲補袞材
翹首中宵望宸極
奎躔紫氣繞三台

其二

敞宇重門鎖院深
整襟聊復動長吟
寅恭喜賴羣賢集
齋旼真承上帝臨
雲護棘垣春寂寂
月明雲柝夜沉沉
掄材有愧宗工任
側席寧忘聖主心

神樂觀賞牡丹

仙僚折簡延清賞
四月琳宮別駐春
野性從來厭城市
遊心未省怯風塵
是日大風吹沙金屏笑倚名
花醉寶騎
光乘片月新
便擬丹丘仍羽客
不教誤認宰官身

和松臯太宰一首

午夜仙臺月麗波
市橋遊冶競相過
風光巧入

金花勝里巷爭翻玉樹歌稚子漫誇燈事好
人誰解客愁多寒齋可奈盆梅發遙憶家山烟
雪坡

和玉溪少宰二首

燈宵節去堪追賞百顆星毬列四筵豈是漢宮
傳蠟燭絕勝唐殿詔金錢霓裳漫按雲端曲山
玉春頰醉裏仙地散心閒成吏隱憑將詩景送
華年

其二

清時佳節豈易得樂事賞心能幾人壁府簪纓
摩紫極雨堂燈火艷青春詩成金谷酒爲史月
傍玉溪梅作隣豪門今夕也自好珠幃寶炬蛾
眉新

送郭司業介甫

宦入南雍興不慳講堂千尺倚龍山暮辭天祿
青藜火曉挹橋門玉笋斑卓卓主君資聖哲
明明皇祖業艱難蓬萊弱水原無礙迹躡仙
鳧任住還

葉使君尚原約遊天台九日感懷奉寄

淵明歸去多蕭瑟佳節空驚物候催三徑久知
黃菊盡一尊爭藉白衣來正緣苦雨愁心結爭
得臨風笑口開折簡近煩東道主何年遊屐定
天台

和韻寄文徵仲

負耒唯應壟上耕執經誰使侍承明野雲丘壑
君成癖秋水尊鱸我繫情自許襟期同鄭老由
來善慶數徐卿即看二子承恩日紫殿煙花百

鸚鵡

送廷尉林君有孚之任留都

兩都多士舊儀刑棘寺新恩下紫冥行喜東風
迎玉節再看南斗避文星臺臣自管能持斧法
吏何人動引經暇日還須問遺逸北山應有艸
堂靈

戲呈白川少宰

宰官自得居銓曹吏隱誰曾偷玉桃關門令尹
思六逸函谷詩有尋六逸陶之句甫里散人稱三高鼻孔未

辨吸醞醋舌尖秣用淹薄醪容我明農學姬旦
讓君種德晞臯陶

虞山夜看七星檜

七星檜遶玄都壇林光慘澹風雨寒香葉襍
鸞鳳宿迴柯詰屈蛟龍蟠崢嶸已是千秋物嘯
詠誰能百歲看俯仰彭殤總成慨當歌須放酒
腸寬

兖州道中示姪孫夢圭

長途冰雪走輶車忽漫相看悲喜餘老去筋骸
那復爾北來肌骨定何如愁深夢寐堪明發歸
到鄉園逼歲除傳與親知肯遙念憑將別泪數
行書

萬梅菴

湖山花事誰能知萬梅菴主獨得之七十二峯
相對裏一百五日正開時離騷瑣細未知物林
逋清寒空賦詩那許世人懽賞得須邀角里共
安期

朝眠

履齋先生詩集卷之五
黃紬被煖朝眠熟獨宿安身是妙方聞道屋東
三丈日不知門外五更霜閒來懶散真吾事何
處溫柔更有鄉長日北牕還寄傲淵明歸興已
柴桑

山中見梅

三冬氣候煖于春村塢寒梅的的新愁入衰顏
驚歲改靜村疎盡見天真盈盈結態猶疑夢細
細浮香已逼人待得花時花亂發濁醪村鼓會
比鄰

陽生十日又回春頓覺冰林氣象新物意隨時
渾未定賞心到手卽爲真誰能綽約風塵表我
本疎狂丘壑人近住山中亦何好寒花白石是
芳鄰

歲朝感筆

忽忽行年五十三心情濩落鬢髮鬢太平有象
應堪待垂老無聞只自慚苜蓿秋風曾冀北杏
花春雨又江南丹青折簡勞知舊一枕閒雲睡
正甘

五言燈下詠花影

素屏頃刻是誰裁
初見渾疑月送來
縱使有霜終不改
莫教移燭便長開
妖姬欲插應難折
狂蝶如逢必浪猜
醉醒相兼都不語
夜深那忍却先回

宿金山精舍和西涯閣老韻

宦轍驅馳去復還
十年三過此門間
地無車馬偏來客
江有龜鼉亦戴山
霽宇極天開莽蕩
斜陽終古送潺湲
青鞋布襪知何日
高議巖阿亦

強顏

題未齋

此時尚未何時已
醉夢忽醒成感傷
底用茫茫思世事
若爲擾擾送年光
四五十條過隙三
百三千猶望洋
只今便作膏秣計
未應歲晚道途長

丙戌生朝示兒輩一首

誕日張筵古所非
聖經垂訓在無違
隨時介壽知春酒
何地承歡非彩衣
山上野麋從放逸
膝

前雛鳳望高飛欲知拜舞稱觴事待汝看花得意歸

送高掌科蒙谷先生奉使南行

摩挲白眼兩都塵翻覆從教局面新宇宙到今於古異情懷覺我與君真應憐使客揚舲遠肯向離筵勸酒頻管鮪未嫌踪迹判相思千里卽交神

送顧與成浙江叅政

美人皎皎去何之別恨悠悠世路歧棗萼桃花春樹裏吳山越水月明時功名不用悲青鏡桑梓爭憐獻壽杯敷政和民消息近先應報我夢熊羆

壽白崇之母

太夫人德齊元老八十康寧世更難落籍昔陪王母燕趨朝曾聳內家看衣冠奕葉開家慶天地長春引歲寒文武寵新憐迓續綵旄珠翟露華溥

歸金閣

小閣摩空俯萬山道人鐘鼓不曾閒忽然明月
來天上疑有方諸在閣間三尺鏡笛片時折萬
卷丹經一筆刪道人生理無端甚強把陽金爲
駐顏

相門限代題

傍人門戶亦何心橫雨斜風一任侵多少桑榆
悲短景尋常桃李度繁陰趨朝慣見清晨履納
賄曾知暮夜金却喜丹青得賢佐圖書白日靜
沉沉

兄子邦石孫夢圭會試禮部

有跋

擬謝清時冕與軒蒼生何必問深源鶴歸海島
瑤花發春入庭階玉樹暄子姓成名驚邸報令
君遺愛見詩言當年客夢還曾道崑邑天開六
狀元

弘治甲子柳塘楊先生送道官楊時清詩曰
拜章先見明春榜還報崑山出狀元明年余
果忝竊人皆曰詩讖也傳臚之日同年常君
在語余曰十年前嘗夢人持進士錄至在名

在第三甲第一甲第一人姓名字畫縱橫不可辨貫則蘇之崑山也在日前科毛狀元崑山人今復爾耶忽朱衣從旁褫手中錄曰子烏足以知之崑山該有六個狀元已而朱先生丙辰及第則在尚未領薦乃今果叨先生榜末夢之靈驗一至此合二事觀之豈非定數耶余之迂愚疏放不諧于時知不能踵毛朱二公芳躅助德名位以俟後來今年省墓家居再疏乞告而兄子邦石孫夢圭會試禮

部我祖宗慶澤方深于常君所夢不能無私心過望也遂因道士之請而書此歸之

跋王朋梅為朱澤民寫水亭圖 有小序

蘧菴朱侍御再復舊物吳匏菴王守溪沈石田趙半江皆喜幸有作歲月未幾諸老後先謝世巖然靈光惟守溪公在焉人生若此又何必區區計得喪于物哉正德癸酉孟夏之朔

莫向此圖論得喪百年手澤自堪珍誰能隱几

齊莊物曾爲亾弓隘楚人喬木清門終雨露中
原白日又風塵新題往事俱成感俛仰浮生一
愴神

弔半隱王君感嘆陳迹悵然有述

當時吾向東樓醉歌酒淋漓濕舞裯交誼十年
縈夢想宦途千里隔風塵槐庭夜雨靈椿老桂
殿書香玉樹新此日遊踪感疇昔蒹葭桑梓幾
傷神

謝陸東川供茶惠酒

故人情好兩難忘沃我舊來湯餅腸選試月

三百片遺將斗酒十年藏

所惠酒云藏之十年矣

偶緣患

眼垂書幄何日論心命野航聞訂秋期共觀海
浩然飛興遶扶桑

郊祀賜讌恭述三首

慶成郊祀拜春王燕錫元僚共一堂御幄尚珍
行有秩上尊稱壽祝無疆明良喜起乾坤泰禮
樂昭融日月光濟濟賓筵受隆寵豈無將沃示
周行

其二

九重張宴物華新
文武華夷拱大君
殿閣影遲經化日
冠裳序列轉祥雲
金羹玉醴傳宣賜
彩羽朱干舞隊分
願此恩漸遍遐邇
普天民物總欣欣

其三

皇皇典禮忝儒臣
螭陛班行第一人
風陋漢釐宣室夜
寵沾周燕鎬京春
聖君福德同天地
盛世巖廊有鳳麟
拜舞醉歸何以報
欲圖無逸獻

楓宸

無錫高尹速遊慧山

十日東風蕩世塵
山靈知我謫仙人
名泉今愜他時願
賢宰偏回此地春
松樹峯頭千日酒
挑花洞口百年身
勞勞隱計何能遂
慚愧苔磯湖水濱

觀常熟社會

山城笳鼓送春光
萬室祈禳賽社忙
故老共傳鄉俗舊
昔賢曾笑國人狂
旌旄黯靄風雲色
隊

陣紛紜綺綉裝爲語吾民須省識從來善惡召
災祥

其二 燕 蘇 會

遊人如蟻馬如麻街巷喧闐好物華本藉神功
能捍禦豈緣財力競豪奢威容赫奕開生面供
奉分明學內家燈火滿城歌吹沸夜深林有未
歸鴉

聖製敬一亭成詩恭和一首

百尺穹碑數仞堂真人製作豈尋常圖荒逐鹿
秦還漢趨異亾羊穀與臧道統淵源今紹述聖
賢門戶日開張放勳不遠欽明思四表熙熙被
耿光

冬至

入冬冬至煖如春天意應憐萬屋貧野水亂禽
鳴更浴苑墻高柳凍回新遺蝗易種滋傷稼厲
鬼乘時得病民雲物被祥無復省古來調燮是
何人

讀文文山傳和少陵韻

嶽文房公詩草 卷之五
三
翠嶽文山幾萬尋燕山千古共蕭森綱常永賴
中流柱賦咏空傳大雅音無忝倫魁登宰輔時
于白日見丹心堂堂信史英風在午夜虛齋一
整襟

暮遊致道觀

琳宮再過思前度前度劉郎是後身古檜冥雲
春鷗黠連山映雨玉嶙峋空懷緱嶺吹笙客不
見清溪控鶴人浮世茫茫真醉夢若爲踪跡老
風塵

己卯元旦試筆病後

今朝四十七行年病骨羈懷漫自憐已覺蚤春
回客舍猶傳宿潦被家田西巡紫蓋邊程遠東
望紅雲海氣連拜首彤墀情不極歸來小閣枕
書眠

茹荇有感

小臣茹荇感周南華渚何年慶澤涵君子好逑
歌淑女封人二祝使多男衷誠自比溪毛潔肉
食何如野菜甘却憶吳淞歸得計秋風鱸膾總

無漸

附聯句詩

雪後訪温託齋出假梅新酒卽席聯句

假梅能動客鄉心

温

故國風光夢裏尋

顧

何事

年華偏倏忽

温

却緣花意漫沉吟

顧

少陵多興

逢江路

温

逋老狂歌度鶴林

顧

人在天涯還戀

土

温

小窗燈火共知音

顧

其二

毳禽啼斷有餘音

顧

白雪寒消得茂林

温

幻質

驚人渾醉眼

顧

浮塵着世幾醒吟

温

花饒不寐

偏宜照

顧

月到黃昏且易尋

温

蜀嶺吳山後相

憶

顧

一尊春酒是同心

温

託齋畱飲對假梅兼假鄰童短歌速去
故有翠禽啼斷之句而先生詞意未窮
益感慨警絕真有少陵東閣之興非假
也

尊壺欲罷興偏適

温

爾汝相忘詠不休

顧

客在

燕南春漠漠

温

馬空冀北事悠悠

顧

笛聲吹斷

依梅柳温詩句裁成付壑丘顧我欲共君尋絕

勝温峨嵋風月是良謀顧

今夕之會實以假梅起興剪裁逼真橫
出雪際詩狂酒困遂復以假爲真乎抑
世事類宜假也相對連引數爵浩然成
章

雪後陽和已自酣一枝誰與贈江南興畱東閣
君非淺夢入羅浮我不慚午夜燃犀輸老嶠他
年化鶴許僊躄策勛商鼎畱餘味子熟山城雨

後嵐

附温託齋作

梅花詩就客微酣人在天南憶水南宦况逢
春偏易減交情到覺轉敝慚嚴城換析宵初
永金谷添籌我自躄巴蜀一天天更遠峨嵋
何日話煙嵐

顧文康公詩草卷之六

東吳顧鼎臣九和著

五言排律

正齋俞先生國昌嘗以紅梅贈西涯閣老
西涯以詩報之今年五月十三日國昌
移竹於它館見遺其情不淺鄙律豈足
爲報也而效顰如此不覺失笑

竹醉人移竹竹醒人醉時乍疑亭館別番荷主
人知夏日含風爽釣天得露低遶叢雙鶴喜抱

夔半生癡蕭颯還呼酒風流亦報詩乞隣寧廢
直砭俗正須奇定見兒孫長何愁霜雪欺平安
日相報憑繫短長思

悅履奉大宮保東瀛先生侑之以詩

悅履來南國殷勤薦上卿夜堂披處好花徑着
來輕新沐隨時授長吟信步行憑虛微有影踏
月細無聲香汗懷中淨涼颺足下生龍巾恩莫
羨鳧舄道難成揮霍炎蒸候虛徐丘壑情蒼生
苦酷吏寰宇待公清

爲韓秀夫太守題壽乃翁司徒八十有序

瑣菴先生韓公及東山劉公浮梁戴公皆一
代名德忠誠體國不下古人而

孝皇所以禮貌所以信任之者亦至矣予在弱
冠卽知欽仰迨入仕猶及接三公風儀未幾
相繼去位後復爲逆瑾誣構下詔獄天下寃
之今逆瑾漸滅已數年而公齒登八十康疆
如昨子孫貴盛方殷謂非天道歟詩以頌之
先后垂衣日明公歷足時尚書正喉舌軍國領

綱維寡過羣工表先憂聖主規漸磐存典則晉
接見光儀疏傳歸何早吳公節未衰河山三晉
遠虎豹九關危雅道終完璧中心卽素絲遺經
時在眼國計尚嬰思宦業弓裘紹助名草木知
八旬占夔鑠三壽邁期願北斗人爭仰南弧晷
正遲賢郎拜佳慶歸篋總新詩

排律散佚
僅存此

附詩餘

石關夜度

調倦尋芳

紫禁晨朝專聽雞喔碌碌營將都入鬢絲眉曲

永漏遲遲終要盡殘棋落落何須看筭誰能把
到頭名利頓然忘却先生却得抽身處忙便抽
身不消思索翼子謀孫牢把自家肩鑰只管尊
前風月好不知門外程途惡儘疎狂任醉邊烏
帽幾迴欹落

小園

幽閣小園中面面垂簾塵慮空孤寂未妨禽意
樂扶藜不隔午陰樓閒心似水風初定老眼看
花霧幾重佳景可人聊自適未須蒲酒泛金鍾

誰家高燕撞歌鐘

感世

我趨朝君趨市我爭名君爭利名利從來是何物能使古今賢愚老于是死于是也不圖名也不圖利松窗月白方宴眠花塢日紅還早起渴飲太和湯閒看參同契滄洲只在人間世

感懷十一調

新水令

紫雲僊旆下層霄奈塵緣把咱奚落恰離了九

重天帝闕來佐着萬歲聖皇朝終日介攘攘勞勞不知道這場夢幾時覺

駐馬聽

想當初束髮垂髫雪案蠶鹽心懊惱青衫破帽棘圖書劍路迢迢投至得春雷二月浪頭高神魚一躍把龍門跳被功名之迤逗着急回頭早忙過半生了

千金沉醉東風百張書公王意麻家字酒到不如醉芳園共玉腕佳人鬪草凭丹榭聽雲

鬟侍女吹簫紗窗外月魄明錦帳裡花魂鬧度
千金一刻春宵有那等公子王孫意氣豪宅那
管送寒暑籠中二鳥

魚一雁兒落門州好世之或要茶忘回題早計
有人說屠龍的手段高伏虎的機關妙瞞天的
有見識賣國的多才料

得勝令

只見他闊閱擁星旄子姓每插金貂池館賽西
湖盛家私積北斗高他有甚麼功勞造下孽自

有天來報這禍是難逃少不得犯蕭何第一條

沽美酒

他每論謨謀邁禹臯誇事業勝蕭曹賣弄恁道
德文章所事高背地裏被旁人笑將恁那脚根
兒緊着沒見識管中窺豹弄虛脾笑裏藏刀大
開手接人錢鈔使心術做成圈套那敢犯着不
饒將恁來送了呀全不想頭上直自有神明知

道金帶垂頭坐骨跌腰出壘於顛醉滿醉亦醉

樓上七弟兄

割地裏自逍遙宦情微機事少也一般象簡緋
袍金帶垂腰坐省趨朝混塵俗醞酒舖糟有時
節醉嫌天地小和全不勝酒上立自不輒四味
開手前腔送送我如今肌膚兒瘦削身軀兒軟弱白髮也不相
饒愁和悶每日閑相關利和名甚日兩相拋不
抽身枉惹猿鶴笑

梅花酒

我如今年紀老海濶也天高漏斷也鐘敲今日

也明朝香馥馥琉璃枝怕烈火燒明晃晃絳蠟怕
猛風搖待將那重擔挑世路上正蹊蹺叢荆棘
塞蓬蒿白額虎晝咆哮鬼車烏夜啼號何處也
顯英豪

收江南

呀猛可地世間花甲一週遭我欲待跳樊籠把
踪跡混漁樵胸中傀儡一時消從今後悟了再
不去邯鄲夢裡請封褒

煞尾

履文康公詩集卷之六
下工夫辨徹長生道積陰功等待天書召每日
介養靈胎運斗杓蘸明水酌仙醴添神火溫丹
灶啖幾箇東方朔竊來的桃更和那安期生送
來的棗住洞府三光不老有一日持玉簡覲虛
皇准備着露雲章拜通表

文康府君詩草跋

唐宋以來諸家集率先賦次詩次文大抵規
模昭明編次茲吾 考哀集 府君芳草網
羅放失賦存什一既附入記傳而有韻之文
載在原目如瑞雪景雲諸頌

七陵

兩宮諸致語中和諸樂章惜軼不存所存五七
言諸詩可以單行字內遂別爲卷帙五言絕
句原目二十餘首今存明妃二詞亦係古體

遂列五言古詩尚有四言六言各若干七言
排律若干亦俱不存其餘諸體較原目得什
之八九惟恭和

御製春祭燕喜長歌丙子歲伯兄咸正始得之
吾姑之子沈馨孺氏瓚爲 府君手書而原
目未載咸建亦復訪求一二手澤彙梓又
府君疏草進恭和

御製西湖曲二副且云區區孤忠不能自己謹
于詞間稍及閭閻田間民情時弊佐勵精圖
治萬一而惜亦不可得見焉於戲當時
君臣晉接泰交上媿賡颺豈復夜珠豫章所可
彷彿而 府君懇款若爾可以窺其志意所
存矣友人松陵毛允遂氏嘗讀而歎曰觸目
見忠

君愛國之意可當杜陵詩史諒哉其詞所痛長
言短詠多落人間收藏之家惠而好我筆錄
傳示是所望云

崇禎己卯天中節不肖曾孫咸建百拜敬書

于家園俊室



